

R  
K  
1875  
15

中國方志叢書

書·西部地方·第十五號


據清宗室興肇等輯  
嘉慶十年晒舊本影印

民國五十八年重抄

新疆省

塔爾巴哈台事宜

成文出版社有限公司印行



中華民國五十八年四月臺一版

# 塔爾巴哈台事宜

全一冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號  
台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

塔爾巴哈台事宜叙

夫事宜者事務之所以宜也有宜於昔而不宜於今有宜於彼而不宜於此者因時致宜變通有道斯治之所以成也然其事建立之初即必有謂及後之變通亦必有因要之一合乎宜而已矣壬子歲前參贊永公曾彙纂事宜略節一冊分門攬款諸案悉備誠一覽即可明晰此地一切應辦事宜且叮嚀於嗣後如遇有更張增易之處隨時贅入云云可謂勤於政而慮之周者也茲恭逢大清彙典查取一切事宜凡於典例有關者別門逐

類造冊咨部查核送館當諭本處所屬各司將自乾隆三十一年建立塔爾巴哈台以來一切案件逐細清查至嘉慶六年止凡於典例有闕者儘數檢出遵照部示條款分年按月纂輯成編業經咨送各部矣因思塔爾巴哈台地方爲新疆西北緊要之區西控哈薩克北扼俄羅斯我高宗純皇帝德綏威服山川土地咸入版章遐邇壹體中外禔福迄今三十餘年其戍守屯防之方庫貯倉儲之富布置周密靡有闕遺當今皇上撫馭六宇普恩廣施四夷拱服萬物咸寧斯遐陬永賴以奠安

者皆由因時調劑損益得宜之所致也蒞任甫數十年  
間案牘已屬繁多檢查業形匪易若將來日久年湮後  
之蒞茲土者思考其昔日一切建立之源其陸續至今  
沿革損益之故誠恐檔案或有霉腐不全欲知其所以  
致治之由又安可得哉予承乏以來六載於茲今且奉  
召進京愧無所補因敬乘續修會典盛舉查取添建改  
設各案之會將本處所輯各條令各該有司衙門抄錄  
成冊存案以備蒞茲任勤於政治諸賢便於綜覽矧壬  
子至今十年之間如屯工卡倫官廠損益變通之處頗

有數條正宜續脩兼成永公之志今之所輯者以現在  
所行直書如綱其沿革損益詳著如目如繼此設有更  
張增減之案亦以其文行之事為綱其文行之由具奏  
年月續載於條目之後如此存源引流詳於今而不遺  
於昔雖萬萬年有如指掌是為叙

嘉慶七年歲在壬戌孟秋果齋貢楚克札布書於公廨

之靜遠亭

塔爾巴哈台事宜一冊係乾隆壬子歲前任參贊永公彙纂分門攬款諸案備悉誠可謂多士餽貧之糧而吏科渡津之役也且叮嚀於嗣後如遇有更張增易之處隨時贊入迨至嘉慶己未果齋貢公飭令各有司衙門將凡於典例有闕之件沿革損益之條檢查續入抄錄成冊亦可謂同聲相應勤政賢能然而是冊輯運極周頤皆依類編敘似未如條目分陳之確當因不揣固陋謬為分類編輯四本裝潢成套其內有詳<sub>○</sub>當詳而不厭其繁略<sub>○</sub>當略而不嫌其簡逐案逐款務歸明晰以

俟後之蒞茲土勤政治者一目瞭然第自己未續纂之後又復四年所有辦過增添奏咨准覆之案亦有數條並境內山水名目似應續載以承前二公之志嗣後遇有更張增易之處亦可隨時贅入庶免卷帙參差且得

易於稽考則更望於同志者也嘉慶十年歲次乙丑孟

夏宗室興肇漫識

塔爾巴哈台事宜

凡例

一 凡各條事宜俱以現在所行為綱書於本條平行之首其設立及沿革損益具奏年分俱詳著於綱領降格之後加一查字

一 凡各條事宜內奉有高宗純皇帝諭旨俱高三抬奉有皇上諭旨俱高兩抬

一 凡一事而兩條內俱有闡涉者如叙官俸餉及營制兵防議叙屯田煤窯等條所章程定例只詳載於本

條之下其闡涉條內即不贅叙以免重複

塔爾巴哈台事宜卷之一 目錄

疆理 附山水

城垣

宮殿

壇廟

叙官

戶口

田賦

錢法

關稅

塔爾巴哈台事宜卷之二 目錄

雜賦

庫藏倉廩積貯

添設俸餉

開設新疆建立州縣

改設營制兵防

歷次蠲免

塔爾巴哈台事宜卷之三 目錄

議處議叙議卹

軍政薦舉

添建營房

船隻

公廨

倉廩

軍器

水利

薪炭

匠役

貢馬

卡倫

塔爾巴哈台事宜卷之四目錄

軍台

貿易

屯田

官廠牲畜

煤窯

柔遠

荒服

坎圖巴哈台里·丘 金

# 塔爾巴哈台事宜卷之一

疆理

塔爾巴哈台

查塔爾巴哈台地方東至科布多交界烏隆古河約八百餘里東南至烏嚕木齊所屬之庫爾喀喇烏蘇交界三百八十里南至伊犁交界沁達蘭山三百八十里西至愛古斯哈薩克部落約四百餘里北至科布多交界之鄂爾齊斯河六百里至鄂羅斯部落約八百餘里環山帶河廣袤數千里爲伊犁烏嚕木齊